

Sakspapir

Saksnr	Utvalg	Type	Dato
009/21	Kommunestyret	PS	18.02.2021

Saksbehandler	Arkiv	ArkivsakID
Per Lerøy	FE-000	21/188

Bjørnar Fjellhaug konstituert som rådmann

Framlegg til vedtak:

Bjørnar Fjellhaug vert konstituert som rådmann i Austrheim kommune inntil vidare. Fjellhaug skal også ha rolla som kommunalsjef for oppvekst og kultur.

Thomas Lindås blir konstituert som assisterande rådmann i denne perioden.

Kommunestyret - 009/21 - 18.02.2021

KS - behandling:

Ordførar Per Lerøy (Ap) orienterte om at Bjørnar Fjellhaug vart konstituert som rådmann i samband med Liv Løvviks bortgang. Lerøy sa vidare at ein vil gå i gang med arbeid i tingingsutvalet frå neste veke, med prosessen for å rekruttera ein ny rådmann. Skal også ta inn i dette arbeidet om det skal heita rådmann eller kommunedirektør. Lerøy sa at kjønnsnøytrale titlar bør vera naturlege i 2021.

Morten Sognnes (H) la fram forslag om å konstituera Thomas Lindås som assisterande rådmann i denne perioden, for at Fjellhaug skal ha ein assisterande rådmann å støtta seg på.

Monika Thorpe (Ap) spurte Bjørnar Fjellhaug om korleis han ser for seg arbeidet framover innan oppvekst og kultur, som er ein sektor der det skjer mykje.

Bjørnar Fjellhaug svara at oppgåvene innan både oppvekst og kultur og elles vert delegerte og fordelte utover, mellom anna skal Thomas Lindås vera leiar i KKL. Kommunestyret skal kjenna seg trygge på at alle oppgåver vert teke hand om til ny rådmann er på plass.

Helge Dyrkolbotn (KrF) sa at han har tillit til at alle oppgåver vert utførte, men det er mykje arbeid på gang innan skule. Det er mykje som skal på plass, og er berre tid og veg for å få det til. Håpar dette vert sett høgt på prioriteringslista. Bjørnar Fjellhaug svara at ein prioriterer skule, men det betyr at noko anna ikkje vert prioritert.

Handsaming i kommunestyret:

Rådmannen sitt framlegg vart samrøystes vedteke.

Morten Sognnes (H) sitt tilleggsframlegg vart samrøystes vedteke.

KS - vedtak:

Bjørnar Fjellhaug vert konstituert som rådmann i Austrheim kommune inntil vidare. Fjellhaug skal også ha rolla som kommunalsjef for oppvekst og kultur.

Thomas Lindås blir konstituert som assisterande rådmann i denne perioden.

Saksopplysninger:

Bakgrunn

Grunna rådmann Liv Løvvik sin tragiske bortgang 5. februar 2021, vert Bjørnar Fjellhaug med dette konstituert som rådmann i Austrheim kommune inntil vidare.

Vurdering

Austrheim kommunestyre vil så snart som mogeleg ta stilling til kor lenge denne ordninga skal vare.

Bjørnar Fjellhaug skal i den perioden han er konstituert som rådmann, også ha rolla som kommunalsjef for oppvekst og kultur.

Arbeidsdelinga mellom kommunalsjefane vert som avtalt på leiarmøtet 22. januar 2021.

Konklusjon

Bjørnar Fjellhaug vert konstituert som rådmann i Austrheim kommune inntil vidare. Fjellhaug skal også ha rolla som kommunalsjef for oppvekst og kultur.